



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Pierii Valeriani Bellunensis Hieroglyphica, Sive De Sacris Ægyptiorum Aliarumque Gentium Literis, Commentariorum Libri LVIII

Valeriano, Pierio

[Lipsiae] ; Francofurti Ad Moenum, 1678

Fortitudo.

urn:nbn:de:hbz:466:1-14259

temporaria ligna primo fuit. Rationem Festus tradit, quod frondem præ se perennem ferat: postea vero magis placuit ex esculo Jovi sacra, ubique custodito honore glandis, ut Plinius auctor est. Nota sunt quæ & quanta tribui solita sunt iis qui civicam meruissent. Ea quippe uti licebat perpetuo in ludis, induenti assurgi etiam à Senatu moris erat, Senatuque proximus erat locus assignatus, Vacatio numerum ipsi, patrique & avo paterno dabatur, quod filium adeo publicæ rei utilem genuissent. Ne vero temere daretur, arctiores additæ sunt leges, ut quippe civis qui servatus esset, servatam se esse sciretetur, aliter testes in eo negotio nihil proderant, neque si quempiam alium quam Romanam civem servasset, quantumvis Regem. Ciceronem civica ad donandum L. Gellius censuit, quod ejus opera esset atrocissima Catilinæ conjuratio detecta, vindicataque, atque ita non civis unus, sed universa Romana civitas servata, meritoque ut ait ille:

Roma patrem patriæ Ciceronem libera dixit.

AMULETUM. CAP. II.

HEcate quoque quercu coronari solita est, in cuius manum hasta imponebatur, & homeros multis Draconum spiris implicabatur. Hujusmodique Deæ simulacrum ante januam dedicari solitum Æschylus tradit, ibique incantationum amuletum habebatur.

VIRTUS. CAP. III.

Herculeam vero clavam illam valido plurimum de robore fieri solitam, virtutis simulacrum esse, optimi quique auctores tradunt. Tum etiam numus Gordiani Pii declarat, in quo Hercules nudus cum clava spectatur, cum inscriptione, VIRTUS AUGUSTI. Nerva autem Trajano ex S. C. quod in numis apparet, decretum est Leonis caput clava super erecta, cum inscriptione uni illi maxime attributa, quæ est, OPTIMO PRINCIPI. Nec præteribo Commodi vanitatem, in cuius numo vidimus ingentem clavam cum inscriptione, HERCULI ROMANO AUG. S. C. & ad hæc coronam civicam circumductam. In aliis ad adulationem hujusmodi cufis, Hercules est facie ad ipsius Commodi similitudinem informata, cum spolio & clava in læva, dextera coronam trophæo superimponens: literæ, HERCULI ROMANO AUG. Accepit enim is statuas Herculis habitu, eique immolatum est ut Deo. Harum unam adhuc integram cum clava & Hyla, Julius II. restituit pro foribus aulae superioris palatii Pontificii, ubi nunc porticus Leoniana. Sedenim Leo X. statuam amoveri iussit, neglectamque in angulum rejici. Neque vero clavam Herculi semper ex Robore fuisse perhibent: verum & ex Oleastro, cujusmodi ea fuit quam Mercurio *πελευστῶ* dicavit, quam iterum pullulante fama est. Nam Trezenii Oleastrum ex ea clava natum ostentare olim consueverunt. Pisander & abeneam Herculi clavam fuisse dicit.

FORTITUDO. CAP. IV.

Iam vero fortitudinem validasque vires Quercum significare mos est multorum, sive nomen ipsum sequantur, quæ roboris elogio censetur; viribus enim præstantes viri, ut Festus ait, robusti à robore nuncupantur: robur vero à robo colore rufo, quod ea materia plurimas ejus coloris venas habet, sive instam illi vim admirentur, quo incorrupta materies, & ad ædium perennitatem facere, magnis inde acceptis utilitatibus, comperiat.

DIUTURNITAS. CAP. V.

Eadem autem de causa diuturnitatem etiam significat Quercus, quod ejusmodi sit ejus vis, ut in seros usque annos prorogetur, præcipue cum vel defossa, vel aquis macerata per tempus aliquod fuerit. Quare augures non injuria avo Galbæ fulgur procuranti, cum extra de maribus Aquila rapuisset, & in frugiferam Quercum contulisset, summum, sed serum imperium portendi familiarè responderunt: quod eventus mox comprobavit.

IMPERIUM FIRMUM. CAP. VI.

Imperii firmitatem per sceptrum ex querno trunco significatum invenio. Sceptrum autem cum foliis quernis in columna quadam ex alabastrite Viterbii spectare licet, inferioribus quippe ramis ampu-

*Quin Rheæ
ara frondib.
quernæ co-
ronabatur.*